

# 卷一

書名 爾雅註疏十一卷  
 撰者 晉 郭璞 注, 宋 邢昺 疏, □ 闕名 音  
 卷一  
 內容分類 經-小學-訓詁-爾雅  
 索書號 經部-彙刻-1  
 編號 A497200

[彩色首頁1](#)

[東洋文化研究所漢籍目錄 編號: A497200](#)

[東洋文化研究所漢籍目錄所藏漢籍善本全文影像資料庫 索書號: 經部-彙刻-1](#)

[漢籍善本全文影像資料庫文本爾雅註疏十一卷](#)

版權所有: [東京大學](#) [東洋文化研究所](#)

[使用上的注意事項](#)

## 爾雅註疏卷第一

晉郭璞註

宋邢昺疏

### 爾雅序

**疏**

爾雅者釋文云所以訓釋五經辯章同異實九經之通路百氏之指南多識鳥獸草

木之名博覽而不惑者也爾近也雅正也言可近而取正也釋詁一篇蓋周公所作釋言以下或言仲尼所增子夏所足叔孫通所益梁文所補張揖云昔在周公續述唐虞宗翼文武克定四海勤相成王踐阼理政日昃不食坐而待旦德化宣流越裳來貢嘉禾貫桑六年制禮以導天下著爾雅一篇以釋其義傳乎後學歷載五百墳典散落唯爾雅常存禮三朝記哀公曰寡人欲學小辯以觀於政其可乎孔子曰爾雅以觀於古足以辯言矣春秋元命包言子夏問夫子作春秋不以初哉首基為始何是以知周公所造

爾雅註疏序 終



爾雅註疏卷第一

晉郭璞註

宋邢昺疏

爾雅序



爾雅者釋文云所以訓釋五經辯章同異實九經之通路百氏之指南多識鳥獸草木

之名博覽而不惑者也爾近也雅正也言可近而取正也釋詁一篇蓋周公所作釋言以下或言仲尼

所增子夏所足叔孫通所益梁文所補張揖云昔在周公續述唐虞宗翼文武克定四海勤相成王踐阼

理政日昃不食坐而待旦德化宣流越裳來貢嘉禾貫桑六年制禮以導天下著爾雅一篇以釋其義傳

乎後學歷載五百墳典散落唯爾雅常存禮三朝記哀公曰寡人欲學小辯以觀於政其可乎孔子曰爾

雅以觀於古足以辯言矣春秋元命包言子夏問夫子作春秋不以初哉首基為始何是以知周公所造



也率斯以降超絕六國越踰秦楚爰暨帝劉魯人叔  
 孫通撰置禮記文不違古今俗所傳三篇爾雅或言  
 仲尼所增或言子夏所益或言孫叔通所補或言是  
 沛郡梁文考皆解家所說先師口傳既無正驗聖  
 人所言是故疑不足能明也夫爾雅為書也文約而  
 義固其陳道也精研而無誤真七經之檢度學問之  
 階路儒林之楷素也序與緒音義同釋詁云敘緒也  
 言已注述之由叙陳此經之旨若繭之抽緒耳孔子  
 作書序子夏作詩序故郭氏亦謂之序序之大指凡  
 有五焉初自夫爾雅者至辨同實而殊號者也明此  
 書之用也二自誠九流之津涉至擣翰者之華苑也  
 言為羣經之樞要也三自若乃至莫近於爾雅言其  
 博物他書不之過也四自爾雅者至其業亦顯明其  
 興隆之時也五自英儒瞻聞之士序末總序已所以  
 作注之意也今  
 各依文解之

夫爾雅者所以通詁訓之指歸叙詩人之興詠總絕代

之離詞辯同實而殊號者也

**疏**此明其用也夫者發  
 語辭亦指示語指此


爾雅者所以通詁訓之指歸也詁古也通古今之言  
 使人知也訓道也道物之貌以告人也指歸謂指意  
 歸鄉也言此書所以通暢古今之言訓道百物之貌  
 使人知其指意歸鄉也若言初哉首基者其指歸在  
 始也若言番番矯矯者其指歸在勇也畧舉一隅他  
 皆放此云敘詩人之興詠者敘次敘也鄭玄注周禮  
 大司樂云興者以善物喻善事又注大師云興者見  
 今之美嫌於媚諛取善事以喻勸之鄭司農云興者  
 托於事物詠者永言也故舜典云歌永言孔注云歌  
 詠其義以長其言又詩序云言之不足故嗟歎之嗟  
 嘆之不足故詠歌之斯皆詩人所為此書能次序之  
 故言敘詩人之興詠也若言雍雍喈喈以興民協服  
 也其虛其徐以詠威儀容止也如此之類皆是按爾  
 雅所釋編解六經而獨云敘詩人之興詠者以爾雅  
 之作多為釋詩故毛公傳詩皆據爾雅謂之詁訓傳  
 蓋亦此意也云總絕代之離詞者總聚也絕代猶遠



代也離詞猶異詞也郭璞序方言云標六代之絕語類離詞之指韻亦猶此也以其六代絕遠四方非越故今古語異夷夏詞殊此書能總聚而釋之使人知也若其釋又祭也周曰釋商曰彤夏曰復胙及注引方言之類是也云辯同實而殊號者也者辯謂辯別事物雖殊其號而同一實者此書辯之若繫謂之繫置覈也覈謂之罕罕覆車也又釋草云唐蒙誠九流女蘿女蘿菟絲注云別四名如此之類是也

**之津涉六藝之鈐鍵學覽者之潭輿摛翰者之華苑**

也 鍵音件 摛音癡 此明其樞要也云誠九流之津涉者誠實也九流者序六藝為九種言於六經若水之下流也津涉者濟渡之處名言九流之多非此書無以通喻九河之廣非津涉無以渡案漢書藝文志云儒家者流五十三家八百三十五篇蓋出於司徒之官助人君順陰陽明教化者也游文於六經之中留意於仁義之際祖述堯舜憲章文武宗師仲尼以重其言於道最為高孔子曰如有所譽其有所



試唐虞之隆殷周之盛仲尼之業已試之效者也然惑者既失精微而僻者又隨時抑揚違離道本苟以譁眾取寵後進脩之是以五經乖析儒學寢衰此僻儒之患也道家者流三十七家九百九十三篇蓋出於史官歷記成敗存亡禍福古今之道然後知乘要執本清虛以自守卑弱以自持此人君南面之術也合於堯舜之克讓易之謙謙一謙而四益此其所長也陰陽家者流二十一家二百六十九篇蓋出於羲和之官敬順昊天歷象日月星辰敬授民時此其所長也法家者流十二家二百一十七篇蓋出於理官信賞必罰以輔禮制易曰先王以明罰勅法此其所長也名家者流十家三十六篇蓋出於禮官古者名位不同禮亦異數孔子曰必也正名乎名不正則言不順言不順則事不成此其所長也墨家者流六家八十六篇蓋出於清廟之官茅屋采椽是以貴儉養三老五更是以兼愛選士大射是以上賢宗祀嚴父是以右鬼順四時而行是以非命以孝視天下是以上同此其所長也從橫家者流十二家百七篇蓋出



於行人之官孔子曰誦詩三百使於四方不能專對雖多亦奚以為又曰使乎使乎言其當權事制宜受命而不受辭此其所長也禘家者流二十家四百三篇蓋出於議官兼儒墨合名法知國體之有此見王治之無不貫此其所長也農家者流九家百一十四篇蓋出於農稷之官播百穀勸耕桑以足衣食故入政一曰食二曰貨孔子曰所重民食此其所長也此九流之大旨也云六藝之鈐鍵者索漢書藝文志六藝謂易書詩禮樂春秋六經也凡六藝一百三家三千一百二十三篇說文鈐鑠也方言云戶鑰自關之東陳楚之間謂之鍵小爾雅云鍵謂之鑰言此書為六藝之鑰鑰必開導之然後得其微旨也故云六藝之鈐鍵也云學覽者之潭與者潭淵也室中西南隅謂之與言隱與也此書釋二儀之形象載八表之昏荒雖博學廣覽之士莫能究淵深隱奧故云學覽者之潭與也云摛翰者之華苑也者言此書森羅萬有純粹六經摛文染翰之士凡以掇其英華若園苑然故云華苑也

**若乃可以博物不**



**感多識於鳥獸草木之名者莫近於爾雅**

此言其博物也

云若乃者因上起下語上既言其功用此復美其博物故云若乃既可以博釋庶物又能多識辯於鳥獸草木之名者莫近於爾雅言爾雅最近之也案公羊傳說春秋功德云撥亂世反諸正莫近于春秋何休云莫近猶莫過之也然則博物爾雅者蓋興於中古多識他書亦莫過於爾雅也


**隆於漢氏豹鼠既辯其業亦顯**

此言興隆之時也云蓋興於中古者

爾雅之作經傳莫言其人及時世但相傳云周公作之以教成王無正文故云蓋以疑之經典通以伏羲為上古文王為中古孔子為下古周公文王子父統子業周公亦可為中古故云蓋興於中古云隆於漢氏者以夫子沒後書紀散亡戰國陵遲羸秦燔滅則此書亦從而墜矣泊乎漢氏御宇旁求典籍除挾書之律開獻書之路此書亦從而隆矣故云隆於漢氏也云豹鼠既辯其業亦顯者謂漢武帝時孝廉郎終

軍既辨豹文之鼠人服其博物故爭相傳授爾雅英  
 之業於是遂顯言不但興行兼亦廣顯故云亦也  
 儒瞻聞之士洪筆麗藻之客靡不欽玩耽味為之義  
 訓璞不揆禱昧少而習焉沈研鑽極二九載矣雖註  
 者十餘然猶未詳備竝多紛謬有所漏略是以復綴  
 集異聞會粹舊說考方國之語采謠俗之志錯綜樊  
 孫博關羣言剟其瑕礫舉其蕭稂事有隱滯援據徵  
 之其所易了闕而不論別為音圖用祛未寤輒復擁  
 篲清道企望塵躅者以將來君子為亦有涉乎此也


○瞻時艷切璞音朴禱音桃少詩照切鑽子官切會  
 古外切禱子外切剟音掇礫音歷稂音憊稂音郎易



以政切丁音療篲似稅  
 切企丘政切躅音逐  
 辭名記德過千人曰英儒者柔也能以德柔服人也  
 瞻多也士者有德之稱言英俊通儒多聞之士也云  
 洪筆麗藻之客者洪大也麗美也藻水藻也有文以  
 喻人之文章言大有詞筆美於文章之客也云靡不  
 欽玩耽味為之義訓者靡無也欽玩猶敬愛也耽味  
 猶樂嗜也言英儒等無不敬愛此書如耽廣樂嗜嘉  
 肴然故曰耽味而為之義理訓解謂作注也云璞不  
 揆禱昧少而習焉者此自謙也揆度也禱謂禱杌無  
 知之貌昧闇也郭氏言已不度其無知闇昧自少小  
 而習此書焉云沈研鑽極二九載矣者此言用力深  
 不敢苟為注解也謂深沈研覈鑽求窮極凡十八載  
 故云二九載矣云雖注者十餘然猶未詳備者言作  
 注者雖十有餘家猶尚未能精詳具備十餘家者陸  
 德明敘錄捷為文學注二卷劉歆注三卷樊光注六  
 卷李巡注三卷孫炎注三卷惟此五家而已又五經  
 正義援引有某氏謝氏顧氏今郭氏言十餘者典籍



散亡未知誰氏或云沈旋施乾謝澆顧野王者非也此四家在郭氏之後故知非也云並多紛繆有所漏畧者言十家所注並多紛紜錯謬若孫叔然觀髮弗離字別為義是紛繆也其所難解則全不入根節是漏略也云是以復綴集異聞會粹舊說者是以者因前起後語因前十家所注紛繆漏略起已作注之意故言是以對前已有注故云復綴集謂聯綴聚集與聞者注所引六經子史之類是也會粹者廣雅云會收也粹聚也舊說謂十家所說也雖不能盡善亦時有可觀其所善者則收聚用之也云考方國之語者考成也四方之國言語不同有可通釋者則援引考成之注引方言是也云采謡俗之志者采取也徒歌謂之謡案漢書地理志云好惡取舍動靜亡常隨君上之情欲故謂之俗但童謡嬉戲之言及俗聞有所記志可以通此書者亦采用之若樛櫨注引齊人諺曰上山斫檀樛櫨先彈蟪蛄注云俗為喜子之類是也云錯綜樊孫者謂交錯綜聚樊光孫炎二家之注取其理長者用之云博關羣言者關通也羣言謂子



史及小說也言非但援引六經亦博通此子史等以為注說也云剝其瑕礫舉其蕭稂者此喻已作注去惡取善也剝其瑕礫以玉石喻也剝削去其疵瑕瓦礫以取瑾瑜也舉其蕭稂以禾莠喻也舉拔也蕭蒿也稂童梁莠類也拔去其蕭蒿稂莠以存其嘉禾也云事有隱滯援據徵之者援引也徵成也若事有隱與滯泥者則援引經據以證成之也云其所易了闕而不論者謂通見詩書不難曉了者則不須援引故闕而不論也云別為音圖用祛未寤者謂注解之外別為音一卷圖贊二卷字形難識者則審音以知之物狀難辨者則披圖以別之用此音圖以祛除未曉寤者故云用祛未寤也云輒復擁篲清道企望塵躅者此郭氏自問也擁手持也篲帚也清道謂清潔道塗也企望者企踵而瞻望也塵躅者塵路躅跡也言已注此書若人持帚以清道企踵而望其芳塵美跡所以然者何謂是自問也云以將來君子為亦有涉乎此也者此亦荅也言已注此書非他以為將來有德君子之為必欲研覈百氏探討九流非爾雅不可

必涉歷此途若其注釋未備則恐  
迷誤後人作注之由良為此也

爾雅卷上

**疏**

上者對中下之名直以簡編重多分為上  
中下三卷無義例也郭璞字景純河東人

東晉弘農太守著作郎注者著也解釋經指使義理  
著明也亦言已注意以釋此書也詩書謂之傳者傳  
傳也博識經意傳示後人也此皆其  
人自題故或言傳或言注無義例也

釋詁第一

**疏**

釋也詁也古也古今異言解之使人  
知也釋言則釋詁之別故爾雅序篇

云釋詁釋言通今文字古與今異言也第次也  
一數之始也以其作最在先故為第一此篇相  
承以為周公作但其文有周公後事故先儒莫  
疑焉或曰仲尼子夏所增足也或曰當周公時  
有之今無者或在散亡之中然則詩書所有非  
周公所釋乃後人依放故言雅記而為之文故  
與之同郭氏因即援據以成其義若言胡不承  
權輿及緇衣之席今此秦康鄭武之時在周公



之後明矣其義猶今為文採摭故事以為辭耳  
則此篇所載悉周公時所有何足怪也其諸篇  
所次舊無明解或以為有親必須宮室宮室既  
備事資器用今謂不然何則造物之始莫先兩  
儀而樂器居天地之先豈天地乃樂器所資乎  
蓋以先作者居前增益者處後作非一時故題  
次無定例也其篇之名義逐篇具釋此不繁言  
此書之作以釋六經之言而字別為義無復章  
句今而作疏亦不分科段所解經文若其易了  
及郭氏未詳者則闕而不論其稍難解則援引  
經據及諸家之說以證之郭氏之注多采經記  
若其通見可曉者則但指篇目而已其或書名  
僻異義旨隱奧者則具  
載彼文以祛未寤者耳

初哉首基肇祖元胎俶落權輿始也

**註**


尚書曰三月哉

生魄詩曰令終有俶又曰俶載南廠又曰訪予落止



又曰胡不承權輿胚胎未成亦物之始也其餘皆義之常行者耳此所以釋古今之異言通方俗之殊語

○肇音兆皆初始之異名也初者說文云從衣從  
叔昌叔切刀裁衣之始也哉者古文作才說文云  
才草木之初也以聲近借為哉始之哉首者頭也身  
之始也基者說文云牆始築也肇者說文作肇始開  
也祖者宗廟之始也元者善之長也長即始義胎者  
人成形之始也倣者動作之始也落者木葉墮墜之  
始也權輿者天地之始也天圓而地方因各云此皆  
造字之本意也及乎詩書雅記所載之言則不必盡  
取此理但事之初始俱得言焉他皆倣此云尚書  
曰三月哉生魄者康誥文云詩曰令終有倣者大雅  
既醉文又曰倣載南畝者周頌載芟文又曰訪予落  
止者周頌訪落文又曰胡不承權輿者秦風權輿文  
云胚胎未成亦物之始也者說文云胚胎孕一月也  
胎婦孕三月也然則尚未成形而為形之始故曰胚



胎未成亦物之始物則形也云其餘皆義之常行者  
耳者謂初首基肇祖元也通見詩書故曰義之常行  
云此所以釋古今之異言通方俗之殊語者揚雄說  
方言云皆古今語也初別國不相往來之言也今或  
同而舊書雅記故俗語不失其方而後人不知  
故為之作釋也郭彼注云謂作釋詁釋言是也

**林** 烝 天 帝 皇 王 后 辟 公 侯 君 也 **詩** 曰 有 壬 有 林 又 曰

文 王 烝 哉 其 餘 義 皆 通 見 詩 書 **辟** 并 **侯** 皆 天 子 諸

君 異 稱 也 白 虎 通 云 君 羣 也 羣 下 之 所 歸 心 也 林 者  
說 文 云 平 地 有 叢 木 曰 林 烝 者 左 傳 云 天 生 烝 民 樹  
之 以 君 而 司 牧 之 然 則 人 物 之 衆 必 立 君 長 以 司 牧  
之 故 以 林 烝 為 君 也 天 者 說 卦 云 乾 為 天 為 君 以 其  
俱 尊 極 故 也 大 雅 皆 謂 君 為 天 是 也 帝 皇 者 白 虎 通  
云 德 合 天 地 者 稱 帝 帝 者 諦 也 象 可 承 也 皇 美 也 大  
也 天 之 總 美 大 稱 也 時 質 故 總 稱 之 號 之 為 皇 煌 煌  
人 莫 違 也 王 者 往 也 天 下 所 歸 往 說 文 云 后 者 繼 體

君也象人之形施令以告四方故后之從一口發號者君后也辟者法也為下所法則也公者通也公正無私之意也侯者候也侯逆順也天帝皇王惟謂天子公侯惟謂諸侯餘皆通稱詩曰有王有林者小雅賓之初筵文又曰文王烝哉者大雅文王有聲文云其餘義皆通見詩書者謂天帝皇王后辟公侯者義之常行故不備引


弘廓宏溥介純夏撫厖墳嘏丕奔漢誕戎駿假京碩濯

訔字穹壬路淫甫景廢壯冢簡劉販啞將業蓆大也

**註**詩曰我受命溥將又曰亂如此撫為下國駿厖湯

孫奏假王公伊濯訔謨定命有壬有林厥聲載路既

有淫威廢為殘賊爾土宇販章緇衣之蓆兮廓落宇



宙穹隆至極亦為大也劉義未聞尸子曰此皆大有

十餘名而同一實○撫音呼厖亡江切誕音但訔音吁劉音單販蒲板切啞之日切

**統**此皆廣大之異言也弘者舍容之大也周書洛誥云武王弘朕恭廓者方言云張小使大謂之廓宏

者書曰若保宏父介者方言云東齊海岱之間謂之介純者魯頌闕宮云天錫公純嘏夏者方言云自關

而西秦晉之間凡物之壯大而愛偉之謂之夏厖者深之大也墳嘏者方言云墳地大也青幽之間凡土

而高且大者謂之墳秦晉之間凡物壯大謂之嘏丕者書云嘉乃丕績弈者詩大雅韓弈云奕弈梁山洪


者書大誥云延洪惟我幼冲人誕者大雅生民云誕彌厥月戎者方言云宋魯陳衛之間謂之嘏或曰戎

京碩濯訔者秦晉之間凡人大謂之樊燕之非鄙齊楚之郊或曰京齊宋之間曰碩荆吳揚甌之郊曰濯

中齊西楚之間曰訔此皆謂大方俗之殊語也甫者詩齊風云無田甫田景者周頌潛篇云以介景福壯



者秦晉之間凡人太謂之樊或謂之壯冢者舍人曰冢封之大也大雅縣篇云乃立冢土簡者周頌執競云降福簡簡劉者郭云義未聞顧氏云都角切說文云草大也韓詩云劉彼甫田將者周頌云日就月將業者版之大也大雅靈臺云虞業維縱餘皆見注詩云我受命溥將者商頌烈祖文又曰亂如此嘽者小雅巧言文云下國駿厖者商頌長發文云湯孫奏假者商頌那篇文云王公伊濯者大雅文王有聲文云訶謨定命者大雅抑篇文云有壬有林者小雅賓之初筵文云厥聲載路者大雅生民文云既有淫威者周頌有客文云廢為殘賊者小雅四月文云爾土宇取章者大雅卷阿文云緇衣之蓆今者廓風緇衣文云廓落落宇宙穹隆至極亦為大也者廓落大貌四方上下曰宇說文云宙舟輿所極也穹隆天之形也郭氏讀脛為至故云至極是廓宇穹隆亦為大也云尸子曰此皆大有十餘名而同一實者漢書藝文志云尸子二十篇注曰名佼魯人秦相商君師之鞅死佼逃入蜀案尸子廣澤篇云墨子貴兼孔子貴公皇



子貴衷田子貴均列子貴虛料子貴別囿其學之相非也數世矣而已皆弇于私也天帝皇后辟公弘廓宏溥介純夏懽冢啗取皆大也十有餘名而實一也若使兼公虛均衷平易別囿一實也則無相非也以其數字皆訓為大故引之也周公作詁必以始也君也大也居先者始者無先之稱君者至尊之號大則無所不包故先言之曰此三者天也人也地也易乾卦云萬物資始坤卦云直方大老子云域中有四大王居其一焉故以此三者為先乾坤相對之物而地在人後者以人居天地之中且尊尚人君故進之自此以下隨便即言無義例也

**懽厖有也**

**釋**

二者又為有也詩曰遂懽大東

**釋**

二者又為有言

大有也成十六年左傳云民生敦厖言人生聚豐厚大有也云詩曰遂懽大東魯頌闕宮文也案今詩本作遂荒此言遂懽者所見本異或當在齊魯韓詩

迄臻極到赴來弔般格戾懷摧詹至也齊楚之會郊

曰懷宋曰屆詩曰先祖于摧又曰六日不詹詹摧皆

楚語方言云極紀力切弔音的也迄者自古至今

以迄于今臻者詩邶風泉水云遄臻于衛言疾至于

衛也極者窮盡之至也樂記云及夫禮樂之極乎天

而蟠乎地言禮樂之道上至於天下委於地也到者

自遠而至也大雅韓奕云靡國不到赴者趨而至也

雜記云凡赴於君來者自彼至我也春秋經曰祭伯

來言至魯也弔者小雅天保云神之弔矣般讀為屆

屆格戾懷摧詹皆方言俗語齊楚之會郊曰懷宋

曰屆者方言文云詩曰先祖于摧者大雅雲漢文又

曰六日不詹者小雅采芣文云詹摧皆楚語方言云

者案方言云彼音駕古格字懷摧詹戾般古屆字

至也邠唐冀堯之間曰彼或曰格齊楚之會郊或曰

懷摧詹戾楚語也般宋語也皆古雅之別語也今則

或同是也

如適之嫁徂逝往也方言云自家而出謂之嫁猶女

出為嫁皆謂造於彼也如者自我而往也春秋公

言又徂往一國也適嫁徂逝皆方俗語案方言云嫁

逝徂適往也自家而出謂之嫁猶女而出為嫁也斯

秦晉語也徂齊語也適宋魯語也往凡語也

賚貢錫畀子貺賜也皆賜與也

也賚者賜有功善人也書湯誓曰予其大賚汝貢者

下與上也左傳齊桓責楚云爾貢包茅不入錫者嘉

賜也禹貢云禹錫玄圭畀者付與也詩邶風于苑云



儀若祥淑鮮省臧嘉令類緜穀攻穀介徽善也 **詩**曰

儀刑文王左傳曰禁禦不若詩曰永錫爾類我車既

攻介人維藩大妣嗣徽音省緜穀未詳其義餘皆常

語 **○**鮮息淺切省先郢切令力 **皆**謂美善也儀者

惠順之善也祥者李巡曰福之善也書泰誓云襲于

休祥淑者有德之善也詩曹風鳴鳩云淑人君子鮮

者清潔之善邶風新臺云遽條不鮮省緜穀郭氏未

詳藏者功能之善也詩齊風云射則臧兮嘉者美之

善也詩大雅抑篇云無不柔嘉令者大雅卷阿云令

問令望類者昭二十八年左傳云勤施無私曰類攻

者聖綴之善穀者養生之善詩小雅小明云式穀以

女介者大善也徽者美善也 **詩**曰儀刑文王者

大雅文王篇文云左傳曰禁禦不若者左傳無全文

案文十八年說四凶云投諸四裔以禦魑魅宣三年

傳言鑄鼎象物故民入山林不逢不若蓋采合傳之

故言禁禦不若也云詩曰永錫爾類者大雅既醉文

云我車既攻者小雅車攻文云介人維藩者大雅板

篇文云大妣嗣徽音者思齊文云餘皆常語者謂祥


淑鮮臧嘉令穀書傳多有之故云皆常語

**舒業順敘也** **皆**謂次序 **舒業順敘緒也** **四者**又為

**端緒** **敘**謂次敘舒者展舒徐緩有次也業者事有

為端緒互 **次敘也**順者不逆有敘也舒業順敘四者又

相訓也 **怡懌悅欣衍喜愉豫愷康妣般樂也** **皆**見詩 **○**妣丁



傳云欣欣然樂也衍者飲食之樂也小雅南有嘉魚云嘉賓式燕以衍喜者說文云不言而悅也小雅彤弓云中心喜之愉者安閒之樂也唐風山有樞云他人是愉毛傳云愉樂也豫者逸樂也小雅白駒云逸豫無期愷者康樂也小雅魚藻云豈樂飲酒庶者安樂也唐風蟋蟀云無以太康妣者樂之久也小雅鹿鳴云和樂且湛又衛風氓篇云無與士耽鄭箋云耽非禮之樂般者遊樂也周頌篇各也鄭箋云般樂也○按郭以爾雅之作多為釋詩且詩中備有此文故云皆見詩其實六經之中所訓亦爾但以詩書之作非一人故有音義雖同而字形躋駁者詩文作湛耽而此作妣詩文作夷說豈弁槃而此作怡悅愷般之類直以異人之作故不同爾無義例也他皆放此

**悅懌愉釋賓協服也**

**註**

皆謂喜而服從

**釋**

從也悅譯愉

者皆喜樂而服也釋者釋去恨怨而服也賓者懷德而服也旅葵云四夷咸賓協者和合而服也左傳曰



謀其不協

**通遵率循由從自也**

**註**

自猶從也通遵率循也

**釋**

三者

又為循行

○通

**疏**

自亦從也轉互相訓也通者大雅

者周南汝墳云遵彼汝墳率者大雅縣篇云率西水許循者顧命云率循大下由者曲禮大夫士出入君門由闈右從者小雅何人斯云伊誰云從通遵率三者又為循行

**靖惟漠圖詢度咨諏究如慮謨猷肇基訪謀也**

**註**

國語

曰詢于八虞咨于二號度于閔天謀于南宮諏于蔡

原訪于辛尹通謂謀議耳如肇所未詳餘皆見詩

鐸趣皆謂謀議也靖者安謀也小雅小旻云靖其子須爾位惟者思謀也漠者舍人曰心之謀也小



雅小弁云聖人莫之漠莫音義同圖者大雅崧高云我圖爾居詢度咨諏者小雅皇皇者華傳云訪問於善為咨咨事為諏咨事之難易為謀咨禮之所宜為度親感之謀為詢究者小雅小弁云不舒究之慮者計謀也謨者大謀也大雅云許謨定命猷者以道而謀也大雅文王云厥猶翼翼猷猶音義同肇者大雅江漢云肇敏戎公基者君子作事謀始也訪者謀政事也國云國語曰詢于八虞咨于二號度于閔天謀于南宮諏于蔡原訪于辛尹者皆晉語胥臣對文公辭說文王之即位也韋氏解云八虞周八士皆在虞官二號文王弟號仲虢叔南宮南宮括也蔡蔡公原原公辛辛甲尹尹逸皆周太史

**典彝法則刑範矩庸恒律戛職秩常也**庸戛職秩義

見詩書餘皆謂常法耳

音夷皆謂常禮法也典刑

有典刑彝者洪範云彝倫攸敘法則者天官冢宰以八法治官府以八則治都鄙鄭注云邦國官府謂之



禮法常所守以為法式也則亦法也典法則所用異異其名也範者模法之常也矩者度方有常也庸者書臯陶謨云自我五禮有庸哉恒久之常也湯誥云君有恒性律者常法也戛者康誥云不率大戛職者主之常也秩者商頌烈祖云有秩斯祐

**柯憲刑範辟律矩則法也**詩云伐柯伐柯其則不遠

論語曰不踰矩取法也憲者大雅桑扈云百辟為

憲辟罪法也刑範律矩則皆謂常法也詩曰伐柯伐柯其則不遠者為者為

政文

**辜辟戾臯也**皆刑罪音孤臯音罪皆謂刑罪也

之誥云罔不懼于非辜辟者呂刑云墨辟疑赦戾者大雅抑篇云亦維斯戾臯罪古今字也訓文云臯犯

法也從辛從自言鼻人感鼻苦辛之憂秦以鼻似皇改爲罪取非人自投于网古文自爲鼻

**黃髮齟齒** 齟齒背耆老壽也 **黃髮髮落更生黃者齟齒**

齒墮更生細者齟背背皮如齟魚耆猶耆也皆壽考

之通稱 **音台耆音狗** 皆壽考之通稱也黃髮耆舍

郭云黃髮髮落更生黃者齟齒者說文云齟老人兒

齒也郭云齒墮更生細者魯頌閟宮云既多受祉黃

髮兒齒鄭箋云兒齒亦壽徵齟背耆舍人曰老人氣

衰皮膚消瘠背若齟魚郭云齟背背皮如齟魚劉熙

釋名云九十曰齟背背有齟文大雅行葦云黃耆齟

背毛傳云齟背大老也鄭箋云台之言齟也大老則

背有齟文方言云秦晉之郊陳寯之會謂老曰耆齟

耆者郭云耆也方言云燕岱非鄙謂耆爲黎郭彼注

云黎面色似凍黎也舍人曰耆觀也血氣精華觀竭

言色赤黑如狗矣孫炎曰耆面如凍黎色如浮垢老

人壽徵也老者說文云七十曰老從人毛匕言鬚髮變白也

**允孚** 亶展 謹誠亮詢信也 **方言** 云荆吳淮泗之間曰

展燕岱東齊曰謹宋衛曰詢亦皆見詩 **○亶** 丁簡切

皆謂誠實不欺也 **○按** 方言云允詵詢展諒穆信

也齊魯之間曰允燕岱東齊曰詵宋衛汝潁之間

曰詢荆吳淮泗之間曰展西甌毒屋黃石野之間曰

穆衆信曰諒周南召南衛之語也云亦皆見詩者鄘

風定之方中云終焉允臧大雅文王云萬邦作孚小

雅祈父云亶不聰鄘風君子偕老云展如之人兮大

雅蕩篇云其命匪諶誠者復言之信也鄘柏舟云不

諒人只鄭風溱洧云洵訐且樂詵謹亮諒詢洵音義


展 謹 允 慎 亶 誠 也

**三**

轉相訓也詩曰慎爾優游

**三**

皆謂至誠





轉相訓也詩曰小雅白駒文

詭浪笑敖戲詭也

謂調戲也見詩

詩曰詭浪笑敖者不敬之戲詭

也舍人曰詭戲詭也浪意朗也笑心樂也敖意舒也戲笑邪戲詭笑之貌郭云謂調戲也見詩者此邶風終風文

粵于爰曰也

書曰土爰稼穡詩曰對越在天王子出

征爰粵于也

轉相訓

音曰

皆謂語辭發端轉互

開口象氣出於口也云書曰土爰稼穡者周書洪範文云詩曰對越在天者周頌清廟文云王子出征者小雅六月文

爰粵于那都繇於也

左傳曰棄甲則那那猶今人云

那那也書曰臯陶曰都繇辭於乎皆語之韻絕

音由

於音皆語之韻絕歎辭也爰粵于三者又為於乎者辭也云書曰臯陶曰都者虞書臯陶謨文也云繇辭者繇卦兆之辭也云於乎者周頌維天之命云於乎不顯是也

故郤盍翁仇偶妃匹會合也


皆謂對合也

故音閣郤合盍胡

臘切妃皆謂對合也故者說文云合會也郤者和音配合也盍者眾合也易豫卦九四云勿疑朋盍簪翁者斂合也書臯陶謨云翁受敷施仇者左傳曰怨耦曰仇偶者相對合也左傳曰大都耦國妃者嘉耦曰妃匹者配合也大雅文王有聲云作豐伊匹會者集合也周禮曰時見曰會

仇讎敵妃知儀匹也

詩云君子好仇樂子之無知實



維我儀國語亦云丹朱馮身以儀之讎猶儔也廣雅

云讎輩也皆謂匹合也仇者孫炎云相求之匹讎者儔侶輩類之匹也敵者相當之匹也

妃合耦之匹也云詩云君子好仇者周南關雎文云樂子之無知者檜風隰有萋楚文云實維我儀者

鄘柏舟文也云國語亦云丹朱馮身儀之者案周語

惠王十五年有神降于莘王問於內史過曰今是何

神也對曰昔昭王娶於房曰房后實有爽德協于丹

朱丹朱馮身以儀之生穆王焉實臨照周之子孫而

禍福之夫神一不遠徙遷焉由是觀之其丹朱乎韋

氏解云馮依也儀匹也言房后之行有似丹朱丹朱

馮依其身而匹偶之生穆王焉

妃合會對也

皆相當對妃媿也

相偶媿也

○媿普計切

此三者又為當對妃又為媿謂相偶媿也

紹胤嗣續纂綏績武係繼也

詩曰下武維周綏見釋

水餘皆常語

○纂子管切

皆聯繼不絕也紹者大雅抑

醉云永錫祚胤嗣者周頌酌篇云載用有嗣續者小

雅斯干云似續妣祖纂者魯頌閟宮云續禹之緒綏

武見注績者陳東門之枌云不績其麻係者繫屬之

繼易曰係小子失丈夫云詩曰下武維周者大雅

下武文云綏見釋水者彼云汎汎楊

舟緋縹維之緋絳也縹綏也是矣

氣謚溢贅慎貉謚顛顛密寧靜也

急顛顛未聞其義

餘皆見詩傳

○急音戲謚音侍貉音陌皆安靜也謚音密顛音擬顛音毀切謚者人死

將葬誅列其行而作之也溢者盈溢者宜靜周頌維天之命云假以溢我蟄者藏伏靜處也易曰龍蛇之蟄慎者謹靜也大雅云淑慎爾止貉者靜定也大雅皇矣云貆其德音鄭箋云德政應和曰貆謚者說文



云靜語也密者周頌昊天有成命云夙夜  
基命宥密寧者周頌良耜云婦子寧止


**隕碩湮下降墜標藹落也**  
**隕**猶隕也方俗語有輕重

耳湮沈落也標藹見詩  
**切**隕于閔切碩于敏切標婢眇切藹音零墜落

也隕者說文云從高墜也易曰有隕自天碩者石落也郭云碩猶隕也方俗語有輕重耳湮沈落也下者自上而落也降卽下也曲禮謂羽鳥死曰降墜者說文曰從高墮也左傳曰弗敢失墜標者召南云標有梅藹者說文云草曰藹木曰落此對文爾散而言之他物之落亦言藹鄰風定之方中云靈雨旣零藹零音義

**命令禧畛祈請謁訊誥告也**  
**禧**未聞禮記曰畛於鬼

神  
**珍**稹告谷  
**畛**皆謂告諭也命者使告也詩唐風揚之水云我聞有命令者發號以



告也論語云其身正不令而行畛者致告也祈者求告也書召誥云祈天永命請者言告也婚禮五曰請期謂者告白也月令曰謂于天子訊者告問也詩云歌以訊之誥者布告也書大誥洛誥之類是也畛於鬼神下

曲禮文

**永悠迴違遐湯闊遠也**  
**書**曰湯矣西土之人

音  
**傷**未悠迴遠遐也  
**遐**亦遠也轉相訓  
**也**首謂遼遠也永者長

遠也周南漢廣云江之永矣悠者小雅漸漸之石云山川悠遠迴者大雅云洞酌彼行潦迴洞音義同違者離遠也召南殷其雷云何斯違斯遐者大雅旱麓云遐不作人遐者古文逃也闕者相疏遠也邨風擊鼓云于嗟闕兮未悠迴遠四者又爲遐也遐亦遠也轉相訓爾湯矣西土之人周書牧誓文也

**虧壞圯坳毀也**  
**書**曰方命圯族詩曰乘彼坳垣虧通

語耳 ○壞音怪 圯音鬼 皆謂毀敗也 虧者損 毀祭義 美切 圯音鬼 云不虧其體 壞者人毀也 音

怪一云自毀也 乎怪切 圯者岸毀也 書序曰 祖乙圯 于耿 圯是毀垣也 ○云書曰 方命圯族 者堯典文 孔

安國云 圯毀族類也 言鯀性 狼戾好 比方名 命而行 事輒毀敗 善類云 詩曰 乘彼 圯垣 者 衛風 氓 篇 文 也

矢雉引延順薦劉繹尸旅陳也 ○禮記曰 尸陳也 雉順


劉皆未詳 ○皆謂敷陳也 矢者書序云 臯陶矢厥謨 引者仲陳也 延鋪陳也 薦者饌陳也 繹

者復陳也 周頌 賚 篇 云 時 周 之 命 於 繹 思 尸 者 主 陳 也 旅 者 謂 布 陳 也 大 雅 賓 之 初 筵 云 設 核 維 旅 ○禮

記曰郊 特牲文

尸職主也 ○左傳曰 殺老牛莫之敢尸 詩曰 誰其尸之

又曰職為亂階 ○皆謂為之主宰也 云左傳曰 殺 老牛莫之敢尸者 成十七年傳云



晉欒書中行偃遂執公焉 召韓厥 韓厥辭曰 昔吾畜 於趙氏 孟姬之讒 吾能違兵 古人有言曰 殺老牛莫 之敢尸 而況君乎 二子不能事君 焉用厥也 是其 事云 詩曰 誰其尸之者 召南 采蘋 文 又曰 職為亂階

者小雅 巧言文

尸窀也 ○謂窀地窀寮官也 官地為窀同官為寮 窀

七代 ○窀謂窀地主事者 必有窀地 窀采也 采取賦 反 稅以供 已有窀地 及言同寮者 皆謂居官者

也 ○云官地為窀者 禮運云 大夫有采以處其子孫 是也 云同官為寮者 左傳文 七年 荀林父 告先蔑之

辭也

績緒采業服宜貫公事也 ○論語曰 仍舊貫 餘皆見詩

書 ○皆事為也 績者功事也 商頌云 設都于禹之績 緒者事業也 魯頌 閟 宮 云 績大王之緒 采者臯



陶謨云亮采有邦業者學人所有事書周官云業廣  
惟勤服者周南關雎云寤寐思服宜者宜其事也大  
雅鳧鷖云公尸來燕來宜賈者魏風碩鼠云三歲貫  
女公者周頌酌篇云實維爾公允師云論語者先  
進仍舊貫如之何  
何必改作是也

**未業引延融駿長也** **宋衛荆吳之間曰融業所未詳**

○業說文云長久遠也方言云施於眾長謂之永  
音樣引者漢書律歷志云十丈為引引者信也顏  
師古曰信讀曰伸言其長延者方言云延季長也凡  
施于季者謂之延又曰宋衛荆吳之間曰融駿者長  
也大

**喬嵩崇高也** **皆高大貌左傳曰師叔楚之崇也崇充**

**也** **亦為充盛** **皆高大貌喬周頌般篇云墮山喬**  
**嶽釋山云山大而高崧嵩崧音義**

同崇者高貴也亦為充盛樂記云復綴以崇云楚之  
崇也者宣十二年傳文杜注云師叔潘廸為楚人所  
崇

**犯奢果毅尅捷功肩堪勝也** **陵犯誇奢果毅皆得勝**

也左傳曰殺敵為果肩即尅耳書曰西伯堪黎  
皆謂得勝也舍人曰肩強之勝也孫炎曰戡勝之

勝也陵犯誇奢殺敵為果致果為毅尅殺捷獲有  
功肩尅堪任是皆得勝也云左傳曰殺敵為果者  
宣公二年君子辭也云書曰西伯堪黎者商書篇名  
七

**勝肩戡劉殺克也** **轉相訓耳公羊傳曰克之者何殺**

之也 **音堪** **傳云仔肩克也又為殺也皆謂得勝而**  
○戡克亦勝也詩周頌敬之云佛時仔肩毛

殺之轉互相訓。公羊者在隱元年經曰夏五月鄭伯克段于鄆傳曰克之者何殺之也。

劉獮斬刺殺也。書曰咸劉厥敵秋獵曰獮應殺氣也。

公羊傳曰刺之者何殺之也。刺次。獮說文云殺戮也。斬者文二。

年左傳曰狼曠取戈以斬囚餘皆具注。云書曰咸劉厥敵者周書君奭文云秋獵為獮釋天文云應殺氣也者言秋氣肅殺故名秋獵為獮大司馬云中秋教治兵遂以獮田是也云公羊傳曰刺之者何殺之也者僖二十八年傳文也經云公子買戍衛不卒戍刺之故傳云此也。

也者僖二十八年傳文也經云公子買戍衛不卒戍刺之故傳云此也。

也者僖二十八年傳文也經云公子買戍衛不卒戍刺之故傳云此也。

也者僖二十八年傳文也經云公子買戍衛不卒戍刺之故傳云此也。

豐豐蠹沒孟敦勗劬勉也。詩曰豐豐文王蠹沒猶龜勉書曰茂哉茂哉方言云周鄭之間相勸勉為勗劬孟未聞。音招勗音邵勗音泯。皆謂勸勉也。敦者厚相勉。

沒猶龜勉書曰茂哉茂哉方言云周鄭之間相勸勉為勗劬孟未聞。音招勗音邵勗音泯。皆謂勸勉也。敦者厚相勉。

沒猶龜勉書曰茂哉茂哉方言云周鄭之間相勸勉為勗劬孟未聞。音招勗音邵勗音泯。皆謂勸勉也。敦者厚相勉。

沒猶龜勉書曰茂哉茂哉方言云周鄭之間相勸勉為勗劬孟未聞。音招勗音邵勗音泯。皆謂勸勉也。敦者厚相勉。

沒猶龜勉書曰茂哉茂哉方言云周鄭之間相勸勉為勗劬孟未聞。音招勗音邵勗音泯。皆謂勸勉也。敦者厚相勉。

沒猶龜勉書曰茂哉茂哉方言云周鄭之間相勸勉為勗劬孟未聞。音招勗音邵勗音泯。皆謂勸勉也。敦者厚相勉。

沒猶龜勉書曰茂哉茂哉方言云周鄭之間相勸勉為勗劬孟未聞。音招勗音邵勗音泯。皆謂勸勉也。敦者厚相勉。

沒猶龜勉書曰茂哉茂哉方言云周鄭之間相勸勉為勗劬孟未聞。音招勗音邵勗音泯。皆謂勸勉也。敦者厚相勉。

沒猶龜勉書曰茂哉茂哉方言云周鄭之間相勸勉為勗劬孟未聞。音招勗音邵勗音泯。皆謂勸勉也。敦者厚相勉。

沒猶龜勉書曰茂哉茂哉方言云周鄭之間相勸勉為勗劬孟未聞。音招勗音邵勗音泯。皆謂勸勉也。敦者厚相勉。

沒猶龜勉書曰茂哉茂哉方言云周鄭之間相勸勉為勗劬孟未聞。音招勗音邵勗音泯。皆謂勸勉也。敦者厚相勉。

沒猶龜勉書曰茂哉茂哉方言云周鄭之間相勸勉為勗劬孟未聞。音招勗音邵勗音泯。皆謂勸勉也。敦者厚相勉。

驚務昏昏強也。馳驚事務皆自勉強書曰不昏作勞皆謂自勉強也。驚謂馳驚務謂事務二。

皆謂自勉強也。驚謂馳驚務謂事務二。者皆以力勉強孫炎曰昏夙夜之勉也。

者皆以力勉強孫炎曰昏夙夜之勉也。死。云書曰不昏作勞者盤庚文云昏不。

印吾台予朕身甫余言我也。印猶缺也語之轉耳書曰非台小子古者貴賤皆自稱朕禮記曰授政任功。

曰非台小子古者貴賤皆自稱朕禮記曰授政任功。死。云書曰不昏作勞者盤庚文云昏不。

死。云書曰不昏作勞者盤庚文云昏不。死。云書曰不昏作勞者盤庚文云昏不。



曰予一人矜於鬼神曰有某甫言見詩

○印五剛切台音怡下同

**猶**我者施身自謂也此皆我之別稱也印者郭云印

轉故曰印邶風匏有苦葉云人涉印否吾者孔子曰

吾自衛反魯身者我之躬也余者邶谷風云伊余來

暨餘皆見注**云**書曰非台小子者湯誓文云古者

貴賤皆自稱朕者大禹謨云帝曰朕宅帝位禹曰朕

德罔克屈原亦云朕皇考曰伯庸是貴賤皆自稱朕

史秦始皇二十六年定為至尊之稱漢因不改以迄

於今云禮記云授政任功曰予一人矜於鬼神曰有

某甫者皆下曲禮文云言見詩者周南葛覃云言告

師氏言告言歸是也

**朕余躬身也****今**人亦自呼為身

身即我也郭云今人亦自呼為身舍

人曰余謙卑之身也孫炎曰余舒遲之身也僖九年

左傳云齊侯曰小白余杜注云小白齊侯名余身也

邶谷風云我躬不閱

**台朕賚畀卜陽予也****賚**卜畀皆賜與也與猶予也因


通其名耳魯詩云陽如之何今巴濮之人自呼阿陽

○畀必二切陽音賜予音與

予即與也皆謂賜與台者遺與也皆賜與也說命云

夢帝賚以良弼廓風于旄云何以畀之小雅天保云君曰卜爾萬壽無疆云與猶予

也因通其名耳者說文云與黨與也予推予前人也象兩手相與之形今經典多以與為推予故云因通其名耳云魯詩云陽如之何者漢書藝文志云魯申公為詩訓故是為魯詩其經云陽如之何申公以陽為予故引之云今巴濮之人自呼阿陽者以時驗而言也



肅延誘薦餒晉寅蓋進也**禮**記曰主人肅客詩曰亂

是用餞王之蓋臣易曰晉進也寅未詳○餞音淡 蓋音儘

皆謂進道延者引而進之射義云子路出延射誘者

道而進之也召南野有死麕云吉士誘之薦者進獻

也月令云先薦寢廟餘皆見注○云禮記曰主人肅

客者上曲禮文也鄭注云進客謂道之云詩曰亂是

用餞者小雅巧言文云王之蓋臣者大雅

文王文云易曰晉進也者晉卦彖辭也

羞餞迪烝進也○皆見詩禮謂進與也羞者曲禮云

進飲食之名也迪者以道而進

也烝者周頌豐年云烝畀祖妣

詔亮左右相導也○皆謂教導之詔相導左右助勵也

○勸謂贊勉亮介尚右也紹介勸尚皆相佑助左

右亮也○反覆相訓以盡其義○相息亮詔者大

切勸音慮○宗伯云

詔相王之大禮亮者大雅大明云涼彼武王左右者

周南關雎云左右流之相者鄉飲酒云相者一人此

皆謂教道之也教道即贊勉也故又為勸說文云勸


助也不以力助以心助也郭云紹介勸尚皆相佑助

孫炎曰介者相助之義如人之左右手故以介為左

右也大雅生民云攸介攸止故轉為右左右即亮也

亦皆謂佐助反覆相訓

以盡其義亮涼音義同



緝熙烈顯昭皓頰光也○詩曰學有緝熙于光明又曰

休有烈光○頰古顯者光明也大雅假樂云顯顯

漢云昭回于天皓者亦日光也頰火光也小雅無將

大車云不出于頰○云學有緝熙于光明者周頌敬

光周頌載見文

劫鞏堅篤擊虔膠固也○劫虔皆見詩書易曰鞏用黃



牛之革固志也擊然亦牢固之意

○劫若點切擊音牽皆牢固也

劫者確固也擊者說文云以革有所束也擊者剛強之固也論語曰不日堅乎磨而不磷篤者厚也物厚者牢固擊者擊亦牢固之意度者恭之固膠者所以固物小雅隰桑云德音孔膠云劫度皆見詩書者酒誥云劫志殷獻臣大雅韓奕云虔共爾位易曰輦用黃牛之革固志也者案革卦云初九輦用黃牛之革遯卦六二象曰執用黃牛固志也文與此異然則郭云固志者所以釋革卦之輦非謂遯之固志

**疇孰誰也**

**易曰疇離祉**

○疇直畱切

皆謂語辭不為義也又猶言誰人也

論語云君孰與不足陳風墓門云誰昔然矣疇離祉易否卦九四爻辭也

**睢睢皇皇藐藐穆穆休嘉珍禕鏤美也**

**穆穆已上**

皆美盛之貌其餘常語

○睢音旺藐音邈禕音衣

皆謂美盛也少儀云祭祀



之美濟濟皇皇鄭玄云皇皇讀如歸往之往彼言皇皇則此睢睢也少儀又云言語之美穆穆皇皇曲禮云天子穆穆諸侯皇皇鄭注皆云行容止之貌然則皇皇穆穆者皆語言容止之美盛也大雅崧高云既成藐藐毛傳云藐藐美貌休者大禹謨云戒之用休又曰嘉乃丕績儒行云席上之珍以待聘禕者歎美也懿者周頌時邁云我求懿德鏤者周頌酌篇於鏤王師是皆謂美之常語爾

**諧輯協和也**

**書曰八音克諧**

左傳曰百姓輯睦關關

**雍雍音聲和也**

**皆鳥鳴相和**

**總變和也**

**書曰變**

友柔克

○輯集雍於恭反總音協皆謂和同協者說文云眾之音聲相和也周南關雎云關關雎鳩邶風匏有苦葉云雍雍鳴鴈總卽古文協字

書舜典文云左傳曰百姓輯睦者案僖十五年及成

十六年皆云羣臣輯睦其是乎云書曰變友柔克者

周書洪  
範文

從申神加弼崇重也

**註**

隨從弼輔增崇皆所以為重疊

神所未詳

○重直  
龍切

**疏**

隨從申重加弼弼輔崇充皆所以為重疊也大雅鳧鷖云福祿

來

殷悉卒泯忽滅罄空畢罄殲拔殄盡也

**註**

殷今直語耳

忽然盡貌今江東呼厭極為罄餘皆見詩

○殷音學  
罄苦計切


殲音

**疏**

此皆謂終盡殷今直語耳忽然盡貌左傳曰

者以時驗而言也說文云器中盡也云餘皆見詩者

悉者說文云詳盡也卒者終盡也衛風日月云畜我  
不卒泯者滅盡也大雅桑柔云靡國不泯滅絕盡也  
小雅正月云寧或滅之罄者說文云器中空也小雅



蓼莪云餅之罄矣空者小雅大東云杼柚其空學者  
小雅無羊云畢來既升殲者舍人曰衆之盡也秦風  
黃鳥云殲我良人拔者舉除  
使盡也殄者詩云邦國殄瘁

苞蕪茂豐也

**註**

苞叢繁蕪皆豐盛

**疏**

皆豐盛也苞者草  
木叢生也禹貢云

草木漸苞蕪者繁蕪也洪範云庶草蕃廡蕪廡  
音義同茂者茂盛也小雅天保云如松柏之茂

拏斂屈收戢蒐哀鳩樓聚也

**註**

禮記曰秋之言拏拏斂

也春獵為蒐蒐者以其聚人衆也詩曰屈此羣醜原

隰哀矣左傳曰以鳩其民樓猶今言拘樓聚也

○拏  
子由

切蒐皆會聚也斂者率聚也禮記大學曰百乘之  
音搜家不畜聚斂之臣收者周頌維天之命云我

其收之戢者藏聚也周頌時邁云載戢干戈餘皆見  
注云禮記曰秋之言拏拏斂也者鄉飲酒義文云



春獵為蒐蒐者以其聚人眾也者春獵為蒐釋天文也云詩曰屈此羣醜魯頌泮水云原隰哀矣者小雅常棣文云左傳曰以鳩其民者隱八年文云樓猶今言拘樓聚也以時驗而言也

**蕭齊遄速亟屢數迅疾也**


**詩曰仲山甫徂齊** ○遄音船亟欺

莫切數皆謂急疾也蕭者召南小星云蕭蕭宵征音朔毛傳云蕭蕭疾貌齊者壯疾也遄者邛風泉水云遄臻于衛速者論語云無欲速亟者欺莫切論語曰好從事而亟失時一云亟居力切大雅靈臺云匪亟其欲屢者小雅巧言云君子屢盟數者祭義云祭不欲數迅者疾走也論語云迅雷風烈必變仲山甫徂齊大雅丞民文

**寔駿肅亟遄速也**

**詩曰不寔故也駿猶迅速亦疾也**

○寔音咎速亦疾也肅亟遄轉相訓耳駿者猶迅亟居力切也禮記大傳云逡奔走駿逡音義同鄭



**寔阮阮滕徵隍濂虛也**

**寔豁寔也阮阮謂阮壘也隍**

注云疾奔走言勸事也不寔故也鄭風遵大路文

城池無水者方言云濂之言空也皆謂丘墟耳滕徵

未詳 ○阮音坑皆謂空虛也寔者豁寔也大雅韓濂音康

也但重言耳隍者城池無水者易曰城復于隍濂者引方言云康之言空也彼注云濂窳空貌亦丘墟

之空也小雅賓之初筵云酌彼康爵鄭箋云康空也濂康音義同

**黎庶烝多醜師旅眾也**

**皆見詩** 皆謂眾夥也

漢云周餘黎民靈臺云庶民子來烝民云天生烝民周頌載見云思皇多祐大雅縣篇云戎醜攸行棫樸云六師及之小雅采芑云振振闐闐之類是也





者罪病也頽者小雅雨無正云維躬是瘁頽瘁音義同瘞者勞苦之病也瘞者小雅角弓云交相為瘞者相戮辱亦可恥病也瘞及瘁者小雅正月云瘞憂以瘁舍人云瘞癘瘞瘁皆心憂憊之病也孫炎云瘞者畏之病也瘞者小雅正月云悠悠我里瘞里音義同瘞者孫炎云滯之病也小雅白華云俾我底兮瘞者瑕釁小病也閔者幽風鳴鴉云鷺子之閔斯逐者衛風考槃云碩人之軸鄭箋云軸病也軸與逐蓋今古字郭氏未詳疾者小雅采芣云憂心孔疚瘵者小雅十月云亦孔之瘵瘵者節南山云天方薦瘵瘵者四月云百卉具腓瘵音義同瘵者大雅板篇云下民卒瘵瘵者大雅瞻仰云士民其瘵瘵者大雅桑柔云瘵此下民餘皆見注


**注**云生我劬勞者小雅蓼莪文云書曰智藏鯨在者周書召誥文云今江東呼病曰瘵者以時驗而言云東齊曰瘵者方言

文云禮記曰親瘠色容不盛者玉藻文

**恙寫惺盱繇慘恤懼憂也**

**註**

今人云無恙謂無憂也寫



有憂者思散寫也詩曰悠悠我惺云何盱矣繇役以

為憂愁也

○惺音里盱音吁繇音遙

**疏**

皆謂憂愁也恙者聘禮云

云拜其無恙郭云今人云無恙謂無憂也寫者有憂者思散寫也小雅車牽云我心寫兮繇者繇役亦為憂愁慘者心憂也恤者小雅祈父云胡轉予于恤懼者王風兔爰云逢此百懼

**注**云詩曰悠悠我惺者小雅十月文云何盱矣者卷耳及都人士文也

**倫勤叩敕勤愉庸瘁勞也**

**註**

詩曰莫知我勸維王之叩

哀我瘁人國語曰無功庸者倫理事務以相約敕亦

為勞勞苦者多情愉今字或作窳同

○勸與世切瘁丁賀切勞力報

切皆謂勞苦也倫者理也理治事務者必勞勤者廣雅云苦也孫炎曰習事之勞也敕者相約敕

也亦為勞苦勤者勞力也梓材云既勤垣墉愉者嬾也郭云勞苦者多情愉今字或作窳同庸者民功曰庸瘁者說文云勞病也釋云詩曰莫知我勤者小雅雨無正文云維王之叩者巧言文云哀我瘁人者大東文云國語曰無功庸者案晉語韓獻子老使公族穆子受事於朝辭曰厲公之亂無忌備公族不能死臣聞之曰無功庸者不敢居高位今無忌智不能死君使至于難仁不能救勇不能死敢辱君朝以忝韓宗請退也固辭不立悼公聞之曰難雖不能死而能讓不可不賞使掌公族大夫是其事也

**勞來強事謂翦篲勤也**

釋詩曰職勞不來自勉強者亦

勤力者由事事故為勤也詩曰迨其謂之翦篲未詳

○來音賚釋皆為勤勞也勞來者以其有勤勞也自強其丈切釋勉強者亦為勤由能事事有功者亦為勤釋云職勞不來者小雅大東文人以不被勞來者為不見勤故采薇序曰杖杜以勤之即是勞來也云



迨其謂之者召南標有梅文也

**悠傷憂思也**

釋皆感思也

○思司嗣切

疏皆感思也悠者秦風渭陽云悠悠我

思傷者周南卷耳云維以不永傷憂者愁思也

**懷惟慮願念怒思也**

釋詩曰怒如調飢

○怒音溺

疏皆思念也方言

云鬱悠懷怒惟慮願念靖慎思也晉宋衛魯之間謂之鬱悠惟凡思也慮謀思也願欲思也念常思也東齊海岱之間曰靖秦晉或曰慎凡思之貌亦曰慎或曰怒舍人曰怒恚而不得之思也釋云怒如調飢周南汝墳文

**祿祉履戩祓禧禔祐福也**

釋詩曰福履綏之俾爾戩戩

祓祿康矣禔禧書傳少見其義未詳

○戩子淺切祓音廢禔音斯



**禴** 皆福祜也福祿對文則小異散則祿亦福也商頌

繁多之福也周頌烈文云錫茲祉福祜者小雅信南山云受天之祜

云俾爾戩穀者小雅天保文云被祿康矣者大雅卷阿文

**禋祀祠蒸嘗禴祭也** **書**曰禋于六宗餘者皆以為四

時祭名也 **音藥** **禴** 皆祭之別名祭際也人神交際說


持肉示神所以祭也禮者說文云潔祀也祀者說文

云祭無已也餘者四時祭各疏具釋天 **禴** 云禴于六

宗者虞書舜典文孔安國云精意以享謂之禴宗尊

也所尊祭者其祀有六謂四時也寒暑也日也月也

星也水 **儼恪祗翼謹恭欽寅懃敬也** **儼** 儼然敬貌書曰夙夜惟



寅詩曰我孔熯矣謹未詳 **音** 恪虛各切 **謹** 皆謂謹

者郭云儼然敬貌論語云儼然人望而畏之恪者心

敬也周書微子之命云恪慎克孝祗者虞書大禹謨

云祗承于帝翼者小心之敬也云恭者敬貌也大雅

桑柔云溫溫恭人欽者堯典云欽若昊天 **云** 書曰

夙夜惟寅者虞書舜典文云詩曰我孔熯矣者小雅楚茨文

**朝旦夙晨駿早也** **駿** 亦明也 **音** 俊 **也** 從日在甲上

十古文甲字今即以不晚為早朝者鄘風蠨蛸云崇

朝其雨毛傳云崇終也從旦至食時為終朝旦者說

文云明也從日在上一地也陳風東門之枌云穀

旦于差夙者齊風東方未明云不夙則莫晨者說文

云晨昧爽也東方未明云不能晨夜駿亦明之早也

**頊埃普戾底止僕待也** **書**曰僕我后今河北人語亦

爾雅疏 卷之一 三十一 亥上

然普戾底者皆止也止亦相待也

○頤音須煥音士底音止後胡禮切

**𠄎**皆相待也頤者邛風匏有苦葉云仰頤我友煥者

戾底者郭云皆止也止亦相待也

**𠄎**後我后商書太甲文

**𠄎**幾猶殆也𠄎裁未詳

○𠄎音聿裁音哉

**𠄎**險也說文云危在高而懼幾者幾猶殆也周書顧命云無以釗冒貢于非幾殆者小雅節南山云無小人


**𠄎**汽也

**𠄎**謂相摩近

○𠄎音祈汽音蓋

**𠄎**說文云剗摩也郭讀

孫炎云汽近也大雅民勞云汽可小康鄭箋云汽幾也反覆相訓故汽得為幾也昭十年左傳亦引此詩杜預云汽期也然則期字雖別皆是近義言其近當如此史記稱漢高祖欲廢太子周昌曰臣口不能言



**治肆古故也**

**治**未詳肆古見詩書

肆之為故語更端辭也商書湯

誥曰肆台小子古之為故謂舊故也周頌良耜云續古之人

**肆故今也**

**肆**既為故又為今今亦為故故亦為今此

義相反而兼通者事例在下而皆見詩

詩大雅縣篇云肆不

殄厥愠毛傳云肆故今也即以肆之一字為故今因上起下之語郭氏字別為義云肆既為故又為今今亦為故故亦為今此義相反而兼通者事例在下者謂在下文徂在存也注

**惇亶祐篤擊仍毗埤竺腹厚也**

**頻**仍埤益毗輔皆重

厚擊然厚貌餘皆見詩書

○毗音毗埤音樨竺音篤



武成云倬信明義亶者誠之厚也大雅桑柔云逢天  
 憚怒小雅天保云俾爾單厚周頌昊天有成命云單  
 厥心皆訓厚也亶亶單音義同祐者福厚也篤者周  
 頌維天之命云曾孫篤之擊然厚貌頻仍埤益毗輔  
 皆重厚釋天云仍飢為荐邨風非門云政事一埤益  
 我小雅節南山云天子是毗又采菽云福祿膍之毗  
 毗膍音義同竺與篤同膍者小雅蓼  
 莪云出入腹我月令云水澤腹堅

**載謨食詐偽也**


**載者言而不信謨者謀而不忠書曰**

朕不食言

**詁**

皆虛偽也郭云載者言而不信謨者謀  
 而不忠者以載話為言謨為謀今又為

偽故以為言而不信謀而不忠不信不忠則是偽也  
 食者孫炎曰食言之偽也哀二十五年左傳云孟武  
 伯惡郭重曰何肥也公曰是食言多矣能無肥乎然  
 則言而不行如食之消盡後終不行前言為偽故通  
 謂偽言為食言故此訓食為偽也許者方言云膠譎  
 詐也涼州西南之間曰膠自關而東西或曰膠詐通



**話猷載行訛言也**

**詁**

詩曰慎爾出話猷者道道亦言也

語也 **詁** 朕不食  
 言商書湯誥文

周禮曰作盟詛之載今江東通謂語為行世以妖言

為訛

**詁**

皆謂言辭也話者善言也孫炎曰善人之言  
 也猷者道也道亦言也載者載于簡策之謂

也郭云今江東通謂語為行世以妖言為訛 **詁** 云詩  
 曰慎爾出話者大雅抑篇文云周禮曰作盟詛之載  
 者春官詛  
 祝職文也

**遘逢遇**

**詁**

謂相遘遇遘逢遇遘也

**詁**

轉復為相觸遘

**遘逢遇遘見也**

**詁**

行而相值即是見

**詁**

○遘音構  
 遘音悟  
 謂

相遭遇觸遘而相見也召南草蟲云亦既遘止周書  
 洪範云子孫其逢吉鄭風野有蔓草云邂逅相見轉

復相訓三者又為相觸選選逢選四者皆行而相值之各行而相值即見故又為見

**顯昭覲釗覲見也**

**顯昭明見也**逸書曰釗我周王

釗

之遙 **顯昭**皆明見也周頌敬之云天維顯思又時切 **顯昭**明昭有周覲釗覲者皆下見上也曲禮

云天子當依而立諸侯北面而見天子曰覲郊特牲云不敢私覲 **顯昭**逸書不在今尚書之內故曰逸

**監瞻臨泣頰相視也**

**皆謂察視也**

○監音鑿泣音利頰音跳 **皆謂**

察視也小雅節南山云何用不監又曰民具爾瞻大雅大明云上帝臨汝文王世子云成王幼不能蒞

頰者考工記云瑑圭璋八寸璧琮八寸以頰聘鄭注云頰視也聘問曰衆來曰頰特來曰聘相者小雅小

弁云相彼投兔

**鞠訥溢盈也**

**詩曰降此鞠訥**

**皆謂盈多也**

降此鞠訥皆謂盈多也降此鞠訥



小雅節南山文毛傳云鞠盈訥訥也鄭箋云盈猶多也以盈者必多故鄭轉云盈猶多也

**孔魄哉延虛無之言間也**

**孔穴延魄虛無皆有間隙**

餘未詳 **孔**謂間隙也孔者孔穴小雅角弓云如酌孔取魄者形也謂月之無光之處名魄也

康誥云惟三月哉生魄延者今墓道也虛無者虛無所有也是皆有間隙也

**瘞幽隱匿蔽竄微也**

**微謂逃藏也**左傳曰其徒微之

是也 **瘞**於計切 **幽**者深微也隱者潛藏而微也

匿者舍人曰藏之微也蔽者覆障使微也竄者行之微也是皆微昧不顯揚也○案哀十六年傳云楚白

公勝作亂殺子西子期葉公子高至遇箴尹固帥其屬將與白公子高曰微二子者楚不國矣棄德從賊

其可保乎乃從葉公使與國人以攻白公白公奔山而縊其徒微之是也



訖徽妥懷安按普戾底廢尼定曷遏止也 **詁** 妥者坐也

懷者至也按抑按也普廢皆止任也戾底義見詩傳

國語曰戾久將底孟子曰行或尼之今以逆相止為

遏徽未詳 **詁** 妥他果切 **詁** 皆謂止任也訖者終止也

休止也抑按普廢皆止任也大雅云以按徂旅小雅

云勿晉引之定者靜止也曷者俗以抑止為曷今以

逆相止為遏餘皆見注又云戾底義見詩者小雅采

菽云亦是戾矣底者在物之下是亦止也凡注言見

詩今毛詩無者蓋在齊魯韓詩也云國語曰戾久將

底者案晉語云文公在翟十二年狐偃曰日吾來此

也非以翟為榮可以成事也吾曰奔而易達困而有

資休以擇利可以戾也今戾久矣戾久將底底著帶

淫誰能興之盍速行乎是其事也云孟子曰行或尼

之者案孟子魯平公將見孟子嬖人臧倉止之樂正

子見孟子曰克告於君君為來見也嬖人有臧倉沮

君君是以不來也曰行或使之止或尼之行止非人

所能也吾之不遇魯侯天也臧氏之子焉能使予不

遇哉是其事也此云行或尼之所見本異或傳寫誤


豫射厭也 **詁** 詩曰服之無斃豫未詳 **音** 射 **詁** 謂厭倦也

周南葛 **譚** 文也 **詁** 謂功業也 **詁** 謂功業也 **詁** 謂功業也

烈績業也 **詁** 謂功業也 **詁** 謂功業也 **詁** 謂功業也

績勲功也 **詁** 謂功勞也 **詁** 謂功勞也 **詁** 謂功勞也

功績質登平明考就成也 **詁** 功績皆有成詩曰質爾民



人禮記曰年穀不登穀梁傳曰平者成也事有分明

亦成濟也皆謂成濟也勳功績業皆有成也事有

敬之云日就月將皆言成功也云詩曰質爾民人

者大雅抑篇文云禮記曰年穀不登者下曲禮文云

穀梁傳曰平者成也者宣十五年文也

桔梗較頰庭道直也注桔梗較頰皆正直也詩曰既庭

且碩頰道無所屈注桔音谷較音角頰他頂切注直也庭條直也

道者頰道無所屈注云既庭且碩小雅大田文

密康靜也注皆安靜也注皆安靜也周頌昊天有成命

不康注禮祀注夙夜基命宥密大雅生民云

豫寧綏康柔安也注皆見詩書注皆安樂也大雅板篇

禹謨云萬邦咸寧商書太甲云撫綏萬邦大雅民勞云迄可小康虞書舜典云柔遠能邇

平均夷第易也注皆謂易直注皆易直也周頌天作云

歧有夷之行大雅洞酌云愷弟君子

矢弛也注弛放弛易也注相延易注音尸紙切注弛也以

弓釋弦曰弛故云弛放禮記雜記云一張一弛弛又為易謂相延易也

希寡鮮罕也注罕亦希也注鮮寡也注謂少注鮮息注皆

少之稱也論語云希不失矣易說卦云巽為寡髮大雅抑篇云鮮不為則郭云罕亦希也鄭風大叔于田

云叔發罕忌鮮又為寡轉互相訓皆謂希少爾



酬酢侑報也

**註**

此通謂相報答不主于飲酒

音昨皆

報答也郭云此通謂相報答不主于飲酒者以飲酒之禮主人酌酒於賓曰獻賓既卒爵洗而酌主人曰酢主人既卒爵又酌自飲卒爵復酌進賓曰酬故說者以酬酢主謂飲酒相報答郭以易繫辭云可與酬酢謂應對萬物也小雅楚茨云萬壽攸酢是神報主人也故云不主于飲酒侑者案公食大夫賓禮三飯之後云公受宰夫束帛以侑注云束帛十端帛也侑猶勸也主國君以為食賓慇懃之意未至復發幣以勸之欲其深安賓也是侑者主人所以報賓也

毗劉暴樂也

**註**

謂樹木葉缺落陰疏暴樂見詩

剝樂音

洛舍人曰毗劉暴樂之意也木枝葉稀疎不均為暴樂郭云謂樹葉缺落陰疏暴樂見詩者大雅桑柔云將采其劉毛傳云劉爆燥而希也是矣

覲髮弗離也

**註**

謂草木之叢茸翳薈也弗離即彌離彌

離猶蒙龍耳孫叔然字別為義失矣○覲音陌郭謂草木之叢茸翳薈也弗離即彌離彌離猶蒙龍耳孫叔然字別為義失矣郭以時驗而為此解孫氏每字各別為義故云失矣

蠱諂貳疑也

**註**

蠱惑有貳心者皆疑也左傳曰天命不

諂音滔者案昭元年左傳晉趙孟問於醫和曰何謂蠱對曰淫溺惑亂之所生也於文皿蟲為蠱穀之

飛亦為蠱在周易女惑男風落山謂之蠱是蠱惑也貳者心疑不一也大雅大明云無貳爾心毛傳云無敢懷貳心也左傳曰天命不諂者哀十七年葉公

辭也

爾雅疏

**楨翰儀榦也** **詩**曰維周之翰儀表亦體榦 **舍人**曰

築牆所立兩木也所以當牆兩邊障土者也 **大雅**文

王云維周之楨又崧高云維周之翰儀表亦體榦也

**弼棊輔比輔也** **書**曰天威棊忱易曰比輔也 **輔**猶輔

也 **○**棊音匪比毗 **輔**猶輔也 **弼**者商書說命云夢

志切輔音甫 **帝**賚予良弼棊者周書康誥云

天威棊忱輔者商書湯誓云爾尙輔

予一人比者易比卦象云比輔也

**疆界邊衛圍垂也** **疆**場境界邊旁 **營**衛守圍皆在外

垂也 **左傳**曰聊以固吾圍也 **○**圍 **謂**四垂也 **郭**云

營衛守圍皆在外垂也 **舍人**曰圍拒邊垂也 **孫**炎曰

圍國之四垂也 **注**云聊以固吾圍也者隱十一年鄭

伯辭也

**昌敵疆應丁當也** **書**曰禹拜昌言疆者好與物相當

**值** **皆**相當也 **昌**者言當也 **敵**者仇匹相當也 **文**六

對當也 **大雅**下武云應侯順德丁者雲漢云

寧丁我躬 **注**云禹拜昌言虞書大禹謨文

**淳肩搖動蠢迪倣厲作也** **淳**然與作貌蠢動作也 **公**

羊傳曰倣甚也 **穀**梁傳曰始厲樂矣肩見書迪未詳

**皆**與作也 **淳**然與作貌 **莊**公十一年左傳曰禹湯

罪已其興也 **淳**然肩者勝任之作也 **搖**者考工記

矢人云夾而搖之以視其豐殺之節也 **動**者商書咸

有一德云德惟一動罔不吉 **蠢**者鄉飲酒義云春之

爾雅疏

卷之一 三十七

及古



之宮初獻六羽始僭樂矣尸子曰舞夏自天子至諸侯皆用八佾初獻六羽始厲樂矣

茲斯咨皆已此也

**皆已皆方俗異語**

○此者對音紫彼之稱

言近在是也茲者虞書大禹謨云念茲在茲斯者召南殷其雷云何斯違斯咨與茲同皆已與此皆音相近故得為此也郭云

嗟咨嗟也

**今河北人云嗟嘆音免置之置**

○嗟音嗟皆

也周南卷耳云嗟我懷人堯典云疇咨若時登庸郭云今河北人云嗟歎

閑狎串貫習也

**串厭串貫貫伏也今俗語皆然**

○串五患

切貫皆便習也莊二十二年左傳曰赦其不閑於音慣教訓曲禮曰賢者狎而敬之大雅皇矣云串奕載路齊風猗嗟云射則貫兮皆是習也郭云串厭串貫貫伏也今俗語皆然者當東晉時有此厭串貫

伏之語故以為證也

曩塵佇滯留久也

**塵垢佇企淹滯皆替久也**

○曩塵垢

佇企淹滯留止皆替久也通見詩書

逮及暨與也

**公羊傳曰會及暨皆與也逮亦及也**

○逮

皆相親與也云公羊傳曰會及暨皆與也者隱元年文也云逮亦及也者方言文

騭假格陟躋登陞也

**方言曰魯衛之間曰騭梁益曰**

格禮記曰天王登遐公羊傳曰躋者何陞也

○騭音質假音

遐皆謂陞上陟者周南卷耳云陟彼高岡餘見注云方言曰者案彼云躡鄆跋格躋躡登也鄆

音質跋音企躡音躍自關而西秦晉之間曰躡東齊海岱之間謂之躋魯衛曰鄆梁益之間曰格或曰跋

騰郵格各音義同云禮記曰天王登遐者下曲禮文云公羊傳曰躋者何陞也者文公二年文也

**揮盞歇涸竭也**

**注**

月令曰無漉陂池國語曰水涸而成

梁揮振去水亦為竭歇通語

**音鶴**

皆謂竭盡也揮

水亦為竭曲禮曰執玉器者弗揮是也盞即漉也郭

云歇通語謂歇即竭之通語也涸水竭也注云月令

無漉陂池無焚山林鄭注云順陽養物也畜水曰陂

穿地通水曰池云國語曰水涸而成梁者案周語定

王使單襄公聘於宋遂假道於陳以聘楚單子歸告

王曰陳侯不有大咎國必亡王曰何故對曰夫辰角

見而雨畢天根見而水涸本見而草木節解駟見而

墮霜火見而清風戒寒故先王之教曰雨畢而除道

水涸而成梁草木節解而備藏墮霜而冬裘具清風

至而脩城郭宮室今陳國火朝覲矣而道路若塞野

場若棄澤不陂障川無舟梁是廢先王之教也引之

**拒拭刷清也**

**注**

振訊技拭掃刷皆所以為潔清

**振音**

者證涸為水竭

郭云振訊技拭掃刷皆所以為潔清禮記喪大

切注郭云拒用巾哀十四年公羊傳云反袂拭面周

禮凌人職云夏頒冰掌事秋刷後

鄭云秋涼冰不用可以清潔其室

**鴻昏於顯間代也**

**注**鴻雁知運代昏主代明明亦代昏

顯即明也間錯亦相代於義未詳音鳥皆謂



栢篇云皇以間之

**饑饌饋也**

**音**

國語曰其妻饑之

音餉饋音饋音饋者以音餉饋音饋

也野饋曰饑食人曰饑自家之野也  
晉語云曰季使過冀冀缺耨其妻饑之敬相待如賓  
從而問之冀芮之子與之歸既復命而進之曰臣得賢人敢以告是也

**遷運徙也**

**音**

今江東通言遷徙

皆謂移徙也大雅皇矣云帝遷明德易曰

日月運行郭云今江東通言遷徙者時驗而言也

**秉拱執也**

**音**

兩手持為拱

皆謂持執也周書金縢云植璧秉珪郭云兩手持為

拱老子云雖有拱璧

**廡熙興也**

**音**

書曰庶績咸熙廡見周官

廡許金切皆謂興作

郭云書曰庶績咸熙者虞書舜典文云廡見周官者即周禮也笙師職云大喪廡其樂器鄭注廡興也興謂作之

**衛蹶假嘉也**

**音**

詩序曰假樂嘉成王也餘私詳

衛切假

音謂嘉美也郭云詩序曰假樂嘉暇成王也者大雅假樂篇序也

**廢稅赦舍也**

**音**

詩曰召伯所稅舍放置

音捨皆舍置也廢者

宣八年公羊傳云廢其無聲者赦者放置也虞書舜典云青災肆赦郭云詩曰召伯所稅者召南甘棠文也

**棲遲慙休苦歟**

**音**

棲遲遊息也苦勞者宜止

息慙見詩歟歟皆氣息貌今東齊呼息為咽也

去例切 呬苦怪切 隸皆止息也 舍人曰棲遲行步

詞誠切 呬許四切 衡門云衡門之下可以棲遲 息也 陳風

所憇休者止而息也 周南漢廣云不可休息 苦者郭

云苦勞者宜止息 呬隸呬者郭云皆氣息貌 案方言

秦晉之謂或曰喙或曰喙東齊曰 咽故郭云今東齊呼息為呬也

供峙共具也 皆謂備具也 峙直紀切 供音恭 者論語云子路

共之供共音義同時者 周書費誓云峙乃糗糧 周頌

臣工云痔乃錢鏹 峙痔音義同共者 小雅小旻云靜

共爾位 慄憐惠愛也 慄韓鄭語今江東通呼為憐 音某 謂

寵惜也 方言云憊憊憐牟愛也 憊亡輔切 淹音淹 韓

鄭曰憊晉衛曰淹汝潁之間曰憐 宋魯之間曰牟 秦



或曰憐憐通語也 故郭云慄韓鄭語今江東呼 為憐 憊義同惠者仁愛也 邶非風云惠而好我

娠蠢震難妯騷感訛蹶動也 娠猶震也 詩曰憂心且

妯無感我悅兮 或寢或訛 蠢難騷蹶皆搖動貌 音振

抽 皆謂動作 娠者說文云妊 娠動也 郭云娠猶

傳曰邑姜方震大叔哀元年左傳曰后緡方震 皆謂

有身為震故云娠 猶震也 蠢者郭云蠢難騷蹶皆搖

動貌 小雅采芑云蠢爾蠻荆 震者大雅常武云震驚

徐方 難者恐動也 商頌長發云不難不疎 騷者大雅

常武云徐方繹騷 蹶者大雅緜篇云文王蹶厥生 云詩曰憂心且妯者小雅鼓鐘文云無感我悅兮者 召南野有死麕文云或 寢或訛者小雅無羊文

覆察副審也 覆按察視副長皆所為審諦 郭云覆 校察視



副長皆所為審諦覆者月令季春云命舟牧覆舟五覆覆察者周書呂刑云惟察惟法副者次長之稱

**契滅殄絕也** **訓** 今江東呼刻斷物為契斷 **結切** **訓** 契苦謂斷絕契者郭云今江東呼刻斷為契斷定九年左傳曰盡借邑人之車契其軸注杜預云契刻也滅者小雅正月云寧或滅之殄者大雅桑柔云不殄心憂

**郡臻仍迺侯乃也** **訓** 迺即乃餘未詳 **訓** 乃語辭也迺乃篇云迺慰迺止是也


**迪繇訓道也** **訓** 義皆見詩書 **音由** **訓** 虞書大禹謨云惠秩秩大猷猷繇音義同又周書顧命云命汝嗣訓

**僉咸胥皆也** **訓** 東齊曰胥見方言 **廉切** **訓** 謂眾皆也

**育孟耆艾正伯長也** **訓** 育養亦為長正伯皆官長 **丁丈** **切** 皆謂長上也郭云育養亦為長邳谷風云既生既育鄭箋云育謂長老也孟庶長也又周書康誥云王若曰孟侯孔安國云孟長也五侯之長者艾皆老長也曲禮曰五十曰艾服官政六十曰耆指使正伯皆官長大雅雲漢云以戾庶正盤庚云邦伯師長

**艾歷也** **訓** 長者多更歷 **訓** 艾又為歷郭云歷稭算數也 **訓** 歷歷數也今以十億為稭論語云何足算也 **音筭** **訓** 皆算數也郭云歷歷數也推律所生之數虞書大禹謨云天之歷數

**歷稭算數也** **訓** 歷歷數也今以十億為稭論語云何足算也 **音筭** **訓** 皆算數也郭云歷歷數也推律所生之數虞書大禹謨云天之歷數



在汝躬秭者周頌豐年云萬億及秭毛傳云數萬至萬曰億數億至億曰秭郭云今以十億為秭者以時驗而言也

**歷傳也**

**傳近**

音曆

謂傳近也隱十一年左傳云庚辰傳於許

**艾歷覲胥相也**

**覲**

謂相視也公羊傳曰胥盟者何相

盟也艾歷未詳

音脈

皆謂相視也覲者郭云覲謂相視也說文云覲邪視也郭

云公羊傳曰胥盟者何相盟也者栢三年文

**又亂靖神弗澠治也**

**澠**

論語曰予有亂臣十人澠書序

作汨音同耳神未詳餘見詩書

音骨

皆治理也舍

治也孫炎曰亂治之理也云論語曰予有亂臣十人者泰伯篇文也澠書序作汨音同耳者虞書序云帝



釐下土方設居方別生分類作汨作孔傳云汨治作興也言其治民之功興故為汨作之篇亡云餘並見詩書者舜典云有能俾乂小雅菀柳云俾予靖之大雅生民云弗厥豐草弗弗音義同

**頤艾育養也**

**頤**

汝頤梁宋之間曰艾方言云

頤者易

吉育者易无妄象曰先王以茂對時育萬物郭云汝頤梁宋之間曰艾方言云者案方言云台胎陶鞠養

也晉衛燕趙曰台音頤陳楚韓鄭之間曰鞠秦或曰陶汝頤梁宋之間曰胎或曰艾也

**沃渾隕墜也**

**沃渾**

皆水落貌

渾胡本切

皆墜落

沃渾皆水落貌春秋僖公十六年經云星隕如雨

**際接翬捷也**

**捷**

謂相接續也

甲切

郭云捷謂相接續也際者

相會之捷也左傳曰爾未際也小雅菀柳云無自瘵焉鄭箋云瘵接也接者曾子問云接祭而已謂捷速



而祭也 翠者未詳

**愆神溢慎也**

**音**

神未詳餘見詩書

○愆音祕

**音**

謂謹慎也 愆者周書洛誥

云夙夜愆祀 溢者舍人曰溢行之慎周頌維天之命云假以溢我故注云見詩書

**鬱陶繇喜也**

**音**

孟子曰鬱陶思君禮記曰人喜則斯陶

陶斯詠詠斯猶猶即繇也 古今字耳

○繇音由

**音**

皆謂歡

者心初悅而未暢之意也 孟子曰鬱陶思君者案趙氏注云象見舜正在牀鼓琴愕然反辭曰我鬱陶思君故來爾辭也 怵怵而慙是其情也 云禮記曰人喜則斯陶陶斯詠詠斯猶猶者下檀弓文鄭注云鬱陶陶也 咏謳也 猶當為搖聲之誤也 搖謂身動搖也 秦人猶搖聲相近云 猶即繇也 古今字耳 者言禮記猶即此經繇也 古今字異耳

**馘齊獲也**

**音**

今以獲賊耳為馘獲禾為齊並見詩

○馘古獲

切齊才

**音**

皆謂克獲也 郭云今以獲賊耳為馘者大雅皇矣云攸馘安安毛傳云不服者殺而

獻其左耳曰馘 魯頌泮水云在泮獻馘鄭箋云馘所格者之左耳皆謂臨陳格殺之而取其耳也 云獲禾為齊者小雅大田云此有不斂齊者禾之鋪而未束故云 獲禾為齊是並見詩

**阻艱難也**

**音**

皆險難

○難乃旦反

**音**

皆險難也 秦風蒹葭云道阻且長商書說命云

非知之艱

**剡矧利也**

**音**

詩曰以我剡矧

○剡羊冉切矧音略

**音**

皆矧之利也 小雅大田云

以我覃耜剡矧音義同周頌載芟云有略其耜矧略音義同

**允任壬佞也**

**音**

書曰而難任人允信者佞人似信壬猶





徂在存也

**釋**

以徂為存猶以亂為治以曩為曩以故為

今此皆詰訓義有反覆旁通美惡不嫌同名

**鄭風**

東門云匪我思且鄭箋云非我思存也徂且音義同  
在訓存者常語也上云徂往也往則非存故郭氏引  
類以曉人也云美惡不嫌同名者案隱七年公羊傳  
云貴賤不嫌同號美惡不嫌同辭何休云若繼體君  
亦稱即位繼弒君亦稱即位皆可起文美惡不嫌同  
辭是也若此篇往也死也亦稱徂是惡也存也亦稱  
徂是美也各有其義  
故云美惡不嫌同名

在存省士察也

**釋**

書曰在璿璣玉衡士師官亦主聽察

存即徂

**釋**

謂審察也虞書舜典云在璿璣玉衡以齊

士者理獄之官亦主聽察虞  
書舜典舜命皋陶云汝作士

烈柝餘也

**釋**

晉衛之間曰檠陳鄭之間曰烈

○柝五  
剗切

**釋**

謂遺餘也詩大雅雲漢序云宣王承厲王之烈李巡  
曰柝槁木之餘也商書盤庚云若顛木之有由檠柝  
檠音義同郭云晉衛之間曰  
檠陳鄭之間曰烈者方言文

迓迎也

**釋**

公羊傳曰跛者迓跛者

**釋**

謂相逢迎也

**釋**

云

跛者此成二年傳文案彼云晉卻克與臧孫許同時  
而聘于齊蕭同姪子者齊君之母也踊于楮而窺客  
則客或跛或眇於是使跛者迓跛者眇者迓眇者是  
也引之以證迓為迎也宣二年左傳曰狂狡輅鄭人  
杜注云輅迎也周禮秋官有訝士及聘禮云厥明訝  
賓于館鄭注皆云訝迎也召南鵲巢云百兩御之鄭  
注云御迎也字形雖別音義實同蓋以作非  
一人到茲異也當以迓為正字餘皆假借

元良首也

**釋**

左傳曰狄人歸先軫之元良未聞

**釋**

謂頃  
首也

云左傳曰狄人歸先軫之元者僖三十三年狄伐晉及箕八月戊子晉侯敗狄于箕卻缺獲白狄子先軫曰匹夫逞志于君而無討敢不自討乎免胄入狄師死焉狄人歸其元面如生是也引證元為首良未詳

**薦擊臻也** **謂** 薦進也擊至也故皆為臻臻至也 ○薦曹練切


**皆** 臻至也薦進執擊皆所以表至也

**賡揚續也** **謂** 書曰乃賡載歌揚未詳 ○賡古孟切 **謂** 謂相繼 **謂** 謂相繼也

云書曰乃賡載歌者虞書益稷文

**祔禭祖也** **謂** 祔付也付新死者於祖廟禭毀廟主 ○禭音鬼

**謂** 謂先祖也說文云祔後死者合食于禭祖也郭云祔付也付新死者於祖廟士虞記云明日以其班



祔毀廟之主曰禭

**卽尼也** **謂** 卽猶今也尼者近也尸子曰悅尼而來遠尼 ○尼切

女乙切 尼近言也卽今相近也

**尼定也** **謂** 尼者止也止亦定 **謂** 尼詰為止止卽定舍人曰尼者私之定也

**邇幾暱近也** **謂** 暱親近也 ○幾音機 **謂** 皆謂始近也邇暱女乙切 **謂** 者鄭風東門之

暱云其室則邇幾者聘義曰日幾中而後禮成暱者郭云親近也小雅苑柳云無自暱焉

**妥安坐也** **謂** 禮記曰妥而后傳命 ○妥他可切 **謂** 妥定之坐也 **謂** 云禮

記曰妥而后傳命者案士相見禮曰凡言非對也妥而後傳言猶出言也此言禮記曰妥而后傳命者傳寫誤也或所見本異



**貉縮綸也** 綸者繩也謂牽縛縮貉之今俗語亦然

音陌 **貉** 郭云綸者繩也謂牽縛縮貉之今俗語亦然據

**貉莫安定也** 皆靜定見詩

音莫 **貉** 皆靜定也大雅皇矣云貉其德音毛


傳云貉靜也鄭箋云德正應和曰貉莫者皇矣文云求民之莫鄭箋云求民之定謂所歸就也貉猶莫

**伊維也** 發語辭伊維侯也 詩曰侯誰在矣互相訓

皆發語辭轉互相訓 邶谷風云伊余來暨大雅大明云維此文王小雅六月云侯誰在矣

**時寔是也** 公羊傳曰寔來者何是來也

風駟驥云奉時辰壯郭云公羊傳曰寔來者何是來也者案春秋桓五年冬州公如曹六年春正月寔來



公羊傳曰寔來者何猶曰是人來也引之證寔為是也

**卒猷假輟已也** 猷假未詳 輟丁劣切 皆謂終已

壽之已也輟止已也論語云擾而不輟

**求酋在卒就終也** 詩曰嗣先公爾酋矣成就亦終也

其餘未詳 由切 皆謂終盡也求者大雅下武云世德作求郭云詩曰嗣先公爾

酋矣者大雅卷阿文卒者邶風日月云畜我不卒就者凡事物成就亦終也

**崩薨無祿卒殂落殯死也** 古者死亡尊卑同稱耳故

尚書堯曰殂落舜曰陟方乃死 殯於計切 此皆

別稱也曲禮云天子死曰崩諸侯曰薨大夫曰卒上曰不祿庶人曰死鄭注云異死名者為人襲其無知

若猶不同然也自上顛壞曰崩薨顛壞之聲卒終也  
 不祿不終其祿死之言漸也精神漸盡也又曰壽考  
 曰卒短折曰不祿鄭注云祿謂有德行任為大夫士  
 而不為者老而死從大夫之稱少而死從士之稱此  
 云無祿者即彼之不祿也徂落者李巡曰徂落堯死  
 之稱郭云古者死亡尊卑同稱耳故尚書堯曰徂落  
 舜曰陟方乃死者皆虞書舜典文也謂之徂落者蓋  
 徂為往也言人命盡而往落者若草木葉落也殪者  
 案隱九年左傳云衷戎師前  
 後擊之盡殪杜注云殪死也

### 爾雅註疏卷之一

### 爾雅註疏卷第二

晉郭璞註

宋邢昺疏

### 釋言第二

**疏**

說文曰直言曰言仲尼曰言以足志  
 介之推曰言身之文也然則言者發

於志而形於聲所以文章於身者也論語曰詩  
 三百一言以蔽之曰息無邪左傳趙簡子稱子  
 大叔遺我以九言皆以一句為一言也漢書東  
 方朔方云十六學詩書誦二十二萬言則以一  
 字為一言也雖一句一字有異要以今古方國  
 殊別學者莫能通是以方言云皆古今語也初  
 別國不相往來之言今或同而舊書雅記故俗  
 語不失其方而後人不知故為作釋是曰釋言

### 殷齊中也

**註**

書曰以殷仲春釋地曰距齊州以南

**疏**

齊殷